

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-261/08
Sarajevo, 3.04.2008. godine

Z A P I S N I K

11. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 13. i 14. marta i 3. aprila 2008. godine

Sjednica je počela u 10.35.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, potpredsjednicu Federacije Spomenku Mičić, ministre u Vladi Federacije BiH, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasenko Tufekčić, Mirsad Pindžo, Denis Zvizdić, Dženana Zlatar, Muharem Serbezovski, Miro Lazović i Edina Papo.

Na osnovu evidencije Stručne službe, predsjedavajući je konstatovao da sjednici prisustvuju 42 delegata, što čini većinu, te Dom naroda može raditi i punovažno odlučivati.

Prije prelaska na rad delegati su, bez primjedbi i jednoglasno (42 glasa za), usvojili Zapisnik 10. sjednice Doma naroda Parlamenta Federacije Bosne i Hercegovine, održane 07. i 14. februara 2008. godine.

Nakon toga predsjedavajući je podsjetio delegate da, na osnovu člana 104. Poslovnika o radu Doma naroda, mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Isak Ramo izrazio je nezadovoljstvo dobijenim odgovorom od Federalnog ministarstva unutrašnjih poslova i zatražio da mu se ponovo odgovori na pitanje.

Tomo Vidović zahvalio je Federalnom ministarstvu zdravstva na dobijenom odgovoru, ali je izrazio nezadovoljstvo konstatacijom sadržanom na dva mjesta u odgovoru a tiče se nemogućnosti pojedinih kantona da osiguraju sredstva potrebna za ostvarivanje prava porodica sa djecom u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom.

Upitao je da li je Vlada Federacije preduzela određene mjere koje bi zaustavile negativni trend smanjenja stanovništva.

Muhamed Osmić izrazio je nezadovoljstvo dobijenim odgovorom od Federalnog zavoda za statistiku i ponovo upitao koliki je iznos prosječne plaće u privredi i vanprivredi u Federaciji BiH u 2007. godini. Također je zatražio informaciju o prosječnim plaćama u BH Poštama, Hrvatskim poštama, BH Telekomu, Hrvatskom telekomu, Elektroprivredi BiH (bez rudnika) i Elektroprivredi "HZ HB".

Josip Perić zahvalio je federalnom ministru finansija na dobijenom odgovoru u vezi sa Hercegovačkom bankom i direktoru Porezne uprave Federacije BiH u vezi sa fiktivnim firmama.

Nikola Simić izrazio je nezadovoljstvo dobijenim odgovorom u vezi sa postavljanjem signalizacija pri preusmjeravanju saobraćaja pa je ponovio ovo pitanje.

Saša Magazinović izrazio je nezadovoljstvo što nije dobio odgovor ni na jedno postavljeno pitanje. Prvo se ticalo uvođenja vjeronauke u predškolske ustanove, a drugo je vezano za inicijativu za izmjenu Ustava Federacije BiH. Ponovo je pokrenuo inicijativu za izmjenu Ustava Federacije u dijelu koji se odnosi na glasanje o znamenjima Federacije BiH.

Lidija Bradara zaželila je uspješan oporavak Jasenku Tufekčiću i izrazila nezadovoljstvo dobijenim odgovorom u vezi sa istragom oko ubistva Joze Leutara i povratnika Hrvata u Travnik.

Potom se prešlo na postavljanje novih delegatskih pitanja i inicijativa.

Josip Perić prokomentarisao je izjavu člana Predsjedništva Bosne i Hercegovine dr. Harisa Silajdžića, koji je Odluku o ratifikaciji Ugovora o dvojnog državljanstvu između Bosne i Hercegovine i Republike Hrvatske proglasio destruktivnom po vitalni interes bošnjačkog naroda, a koju je Klub delegata bošnjačkog naroda potvrdio. Izjavio je da je Klub delegata hrvatskog naroda na sjednici od 12. marta 2008. godine donio Odluku kojom je odbacio izjavu člana Predsjedništva dr. Harisa Silajdžića.

Uslijedila je diskusija u kojoj su učestvovali Besim Imamović, Josip Perić i Radoje Vidović.

Elvira Abdić- Jelenović postavila je dva pitanja.

Prvo pitanje odnosi se na situaciju nastalu zbog donošenja Uredbe o **vršenju ovlasti organa** Federacije u "Agrokomeru".

Upitala je Vladu Federaciju koje mjere, radnje i postupke je preduzela u vezi sa poništenjem nezakonite privatizacije "Agrokomerca" i koliko bivših direktora i članova nadzornih i upravnih odbora ima upisano vlasništvo na nekoj od nekretnina "Agrokomerca".

Drago Puzigaća upitao je federalnog ministra finansija Vjekoslava Bevandu šta će preduzeti u vezi sa starom deviznom štednjom štediša iz Drvara.

Mislav Sučić postavio je dva delegatska pitanja.

Prvo pitanje upućeno je Federalnom ministarstvu prostornog uređenja, a odnosi se na kriterije prilikom određivanja nerazvijenih brdsko-planinskih područja na osnovu nadmorske visine i stepena nagiba.

Drugo pitanje odnosi se na naknade ženama – majkama u radnom odnosu, van radnog odnosa, na dodatke za djecu, jednokratnu pomoć za opremu novorođenčeta, te pomoć ženi - majci u prehrani djeteta do šest mjeseci. Istakao je da u Kantonu 10 nisu predviđena sredstva za ove namjene.

Besim Imamović postavio je tri pitanja.

Prvo pitanje upućeno je Federalnom ministarstvu poljoprivrede, vodoprivrede i šumarstva u vezi sa neprovođenjem Zakona o šumama.

Drugo pitanje upućeno je Federalnom ministarstvu prometa i komunikacija u vezi sa odbijanjem BH Telekoma da ugradi priključke za fiksnu telefoniju povratnicima u Federaciju BiH.

Treće pitanje je također upućeno Federalnom ministarstvu prometa i komunikacija u vezi sa izgradnjom autoputa Tuzla –Sarajevo.

Kenan Keserović postavio je dva pitanja.

Prvo pitanje postavio je Federalnom ministarstvu obrazovanja i nauke u vezi sa programom pomoći mladim Romima pri sticanju osnovnog obrazovanja i uključivanju u sistem srednjeg i visokog obrazovanja.

Drugo pitanje upućeno je Federalnom zavodu za zapošljavanje a tiče se zapošljavanja Roma.

Lidija Bradara postavila je dva pitanja.

Upitala je dokada će se ići sa izmjenama Zakona o pravima branitelja koje se ne mogu ispuniti.

Upitala je Vladu Federacije kada će zaživiti Fond za zaštitu okoliša.

Besim Spahić postavio je pitanje u vezi sa zaštitom prirodne okoline sa posebnim naglaskom na Zenicu, jer se često u Željezaru “Zenica” doprema radioaktivni materijal u otpadnom željezu, te je predložio da se pojača inspeksijski nadzor u ovoj oblasti.

Ivo Komšić postavio je tri pitanja.

Prvo pitanje upućeno je Vladi Federacije kojim traži da se provede zakonska odredba kojom jedna osoba ne može biti u više od dva nadzorna ili upravna odbora u javnim preduzećima.

Zatražio je od Kolegija Doma naroda da na narednu sjednicu uvrsti Prijedlog Zakona o izmjenama i dopunama Zakona o prodaji stanova na kojima postoji stanarsko pravo, kako bi se ispoštovala Odluka Ustavnog suda Federacije BiH u pogledu ovog Zakona.

Upitao je Vladu Federacije, tj. resorno ministarstvo šta se čini na zaustavljanju širenja bruceloze.

Zoran Budimić pokrenuo je inicijativu i postavio dva pitanja.

Pokrenuo je inicijativu da se svakom delegatu omogući dobijanje CD sa dnevnim redom i materijalima koji se odnose na tačke dnevnog reda.

Postavio je pitanje sekretaru Doma naroda zašto Odbor za poljoprivredu, vodoprivredu i šumarstvo nije obaviješten o održavanju javne rasprave u vezi sa Nacrtom Zakona o podsticajima za razvoj područja posebne zaštite u Federaciji BiH.

Drugo pitanje postavljeno je Vladi Federacije u vezi sa kriterijima za pomoć nerazvijenim kantonima, a posebno Posavskom kantonu.

Muhamed Osmić zatražio je da se kompletan set pitanja sa prethodne sjednice Doma naroda proslijedi Direkciji za ceste Federacije BiH.

Pokrenuo je inicijativu da Vlada Federacije zabrani izvoz celuloznog drveta iz Federacije BiH.

Postavio je pitanje Federalnom ministarstvu finansija i zatražio informaciju o prikupljenim prihodima od PDV u 2007. godini i to na nivou Bosne i Hercegovine, koliko je sredstava došlo u Federaciju BiH, koliko su kantoni prikupili prihoda koji su uvršteni u budžet Federacije i budžete kantona, te koliko je tih sredstava vraćeno pojedinim kantonima.

Josip Perić pokrenuo je inicijativu za izmjenu Uredbe o povoljnijim uvjetima za sticanje prava na starosnu penziju vojnih osiguranika Vojske Federacije BiH.

Postavio je pitanje u vezi sa pravima djece sa posebnim potrebama.

Zaim Imamović Kaze postavio je pitanje Federalnom ministarstvu unutrašnjih poslova i Federalnom ministarstvu prometa i komunikacija u vezi sa nadležnostima i kontrolom rada tehničkih pregleda vozila prilikom registracije, te je upitao da li postoji mogućnost uvođenja videonadzora nad radom tehničkih stanica.

Asim Mekić upitao je Vladu Federacije šta će uraditi u vezi sa poboljšanjem puta Lašva - Blažuj preko Busovače i Kiseljaka, te pokrenuo inicijativu da se poboljšaju uvjeti na ovom putu.

Dragomir Bilić upitao je Vladu Federacije kada će ukinuti svoju Odluku V-487 od 25. septembra 2003. godine.

Sead Čaušević postavio je pitanje Federalnom ministarstvu obrazovanja i nauke u vezi sa osiguranjem sredstava za opremu i učila za škole u projektu "Pet srednjih škola u četiri kantona" i da li će se to realizirati do početka naredne školske godine.

Mira Ljubijankić Federalnom ministarstvu poljoprivrede, vodoprivrede i šumarstva dostavila je spisak projekata koje je dostavilo Ministarstvo poljoprivrede, vodoprivrede i šumarstva Unsko-sanskog kantona i zatražila informaciju da li su ovi projekti plaćeni.

Svetozar Pudarić dopunio je inicijativu Muhameda Osmića u vezi sa zabranom izvoza celuloznog drveta i upitao da li Vlada Federacije može uvesti sistem robnih kvota u Federaciji BiH, te odrediti robni bilans Federacije BiH.

Nakon postavljenih delegatskih pitanja i inicijativa, prešlo se na utvrđivanje dnevnog reda.

Predsjedavajući je obavijestio delegate da je Vlada Federacije dostavila Prijedlog Zakona o izmjenama i dopunama Zakona o prestanku primjene Zakona o napuštenim stanovima sa prijedlogom da se razmatra po hitnom postupku, i pozvao delegate da se o tome izjasne.

Sa 40 glasova za i uz tri uzdržana glasa, Dom naroda Parlamenta Federacije BiH prihvatio je da se Prijedlog Zakona razmatra po hitnom postupku.

Zoran Budimić je, ispred Odbora za poljoprivredu, vodoprivredu i šumarstvo, predložio da se 4. tačka predloženog dnevnog reda - Nacrt Zakona o podsticajima za razvoj područja posebne zaštite u Federaciji BiH - skine sa dnevnog reda, jer nije bilo predstavnika predlagača na sjednici Odbora. Prijedlog je podržao Josip Perić, ispred Kluba delegata hrvatskog naroda, te zatražio da se ispoštuje Inicijativa Kluba za donošenje dva zakona: Zakona o brdsko-planinskim područjima i Zakona o krajevima od posebne državne zaštite. Zatražio je da se Nacrt Zakona o podsticajima za razvoj područja posebne zaštite u Federaciji BiH vrati Vladi Federacije na doradu.

Mira Ljubijankić je, ispred Kluba delegata srpskog naroda, predložila da se 13. tačka predloženog dnevnog reda - Zaključak Predstavničkog doma da se ponovi kompletna zakonom predviđena procedura imenovanja direktora Federalne uprave policije - skine sa dnevnog reda i istakla da ni Predstavnički dom ne razmatra zaključke Doma naroda.

Besim Imamović je, ispred Kluba delegata bošnjačkog naroda, izjavio da sva tri nacrt zakona trebaju ostati u predloženom dnevnom redu, što je podržao i Drago Puzigaća.

Slobodan Rodić je, ispred Odbora za pravdu, opću upravu i lokalnu samoupravu, izrazio nezadovoljstvo neprisustvovanjem predstavnika predlagača po pojedinim tačkama.

Vanja Broćeta je, ispred Odbora za ekonomsku i razvojnu politiku, finansije i budžet i Odbora za privredu, predložila da se odloži rasprava o 9. tački i podtačkama a), b), d), e) i f) dok Vlada Federacije ne dostavi aktuelne dokumente o poslovanju za 2007. godinu.

Pročitala je zaključke odbora vezane za ovu tačku i predložila Kolegiju Doma naroda da se svi materijali dostavljeni u prethodnoj godini uvrste u dnevni red prve naredne sjednice i u što kraćem roku donese Program rada Doma naroda za 2008. godinu.

Potom je predsjedavajući prešao na glasanje o prijedlozima za izmjenju dnevnog reda i konstatovao sljedeće:

- Dom naroda **nije prihvatio** da se 4. tačka - Nacrt Zakona o podsticajima za razvoj područja posebne zaštite u Federaciji BiH - **skine** sa dnevnog reda, jer je za glasalo 26 delegata, šest delegata je bilo protiv, a 10 uzdržano.

- Dom naroda **nije prihvatio** da se 13. tačka - Zaključak Predstavničkog doma da se ponovi kompletna zakonom predviđena procedura imenovanja direktora Federalne uprave policije - **skine** sa dnevnog reda, jer je za glasalo 18 delegata.

- Dom naroda **nije prihvatio** da se 9. tačka i podtačke a), b), d), e) i f) predloženog dnevnog reda - **skinu** sa dnevnog reda, jer je za glasalo 20 delegata.

Nakon toga predsjedavajući je obavijestio delegate da je Vlada Federacije predložila da se kao 14. tačka dnevnog reda uvrsti Odluka o pristupanju izradi Regulacijskog plana historijskog gradskog područja Mostar za period od 2007. do 2017. godine.

Predstavnik Vlade Federacije obrazložio je razloge za uvrštavanje ove tačke u dnevni red.

U diskusiji u vezi sa ovim prijedlogom učestvovali su Igor Rajner i Asim Mekić.

Na osnovu rezultata glasanja, predsjedavajući je konstatovao da Dom naroda **nije prihvatio** da se ova Odluka **uvrsti** u dnevni red, jer prijedlog nije dobio potrebnu većinu glasova.

S obzirom na to da je izražena sumnja u rezultate glasanja, glasanje je ponovljeno poimeničnim prozivanjem.

Na osnovu rezultata poimeničnog glasanja koje je obavio Izmir Hadžićević, sekretar Doma naroda, predsjedavajući je konstatovao da Dom naroda Parlamenta Federacije BiH **nije prihvatio** da se Odluka o pristupanju izradi Regulacijskog plana historijskog gradskog područja Mostar za period od 2007. do 2017. godine **uvrsti** u dnevni red, jer je za glasalo 16 delegata, 25 je bilo protiv, a četiri delegata su bila uzdržana.

Potom se prešlo na glasanje o dnevnom redu u cijelosti.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 32 glasa za, uz 10 glasova protiv i uz četiri uzdržana glasa, usvojio sljedeći:

DNEVNI RED

1. Prijedlog Zakona o izmjenama i dopunama Zakona o prestanku primjene Zakona o napuštenim stanovima – hitni postupak;
2. Nacrt Zakona o plaćama i drugim materijalnim pravima članova organa upravljanja institucija Federacije BiH i javnih preduzeća u većinskom vlasništvu Federacije BiH;
3. Nacrt Zakona o premjeru i katastru nekretnina;
4. Nacrt Zakona o podsticajima za razvoj područja posebne zaštite u Federaciji BiH;
5. Statut Zavoda za kontrolu lijekova Federacije BiH;

6. Prijedlog Odluke o izmjenama Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju Bosne i Hercegovine;
7. Izvještaj o reviziji finansijskih izvještaja Budžeta Federacije BiH za 2006. godinu sa Izvještajem Parlamentarne komisije odgovorne za reviziju;
8. Izvještaj o radu Komisije za koncesije Federacije BiH za 2006. godinu;
9. a) Izvještaj o poslovanju privrednih subjekata iz oblasti prometa i komunikacija za 2006. godinu,
b) Izvještaj o poslovanju JP Željeznice FBiH d.o.o. Sarajevo za 2006. godinu,
c) Rebalans Srednjoročnog plana razvoja (2007.-2009.) sa dopunom Plana za 2010. godinu,
d) Izvještaj o radu Upravnog, odnosno Nadzornog odbora za period od 01.01.2006. do 31.12.2006. godine,
e) Izvještaj o radu Odbora za reviziju za 2006. godinu,
f) Nekonsolidovani finansijski izvještaji i nezavisno revizorsko mišljenje za godine koje su završile 31.12.2006. i 2005. godine;
10. Izvještaj o radu Nadzornog odbora Agencije za privatizaciju u Federaciji BiH za period 01.07.2006. - 30.6.2007. godine;
11. Informacija o ukupnom javnom dugu Federacije BiH;
12. Godišnji Izvještaj Visokog sudskog i tužilačkog vijeća Bosne i Hercegovine za 2006. godinu;
13. Zaključak Predstavničkog doma da se ponovi kompletna zakonom predviđena procedura imenovanja direktora Federalne uprave policije.

1. Prijedlog Zakona o izmjenama i dopunama Zakona o prestanku primjene Zakona o napuštenim stanovima

Prijedlog Zakona utvrdila je Vlada Federacije.

Predstavnički dom je na nastavku 8. sjednice, održane 17. januara 2008. godine, usvojio Prijedlog Zakona uz jedan amandman koji je Vlada Federacije prihvatila pa je postao sastavni dio Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona je, ispred Vlade Federacije, obrazložila Amira Sinanović.

U pretresu je učestvovao Tomo Vidović.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije usvojio** Prijedlog Zakona o

izmjenama i dopunama Zakona o prestanku primjene Zakona o napuštenim stanovima, jer je za glasalo 25 delegata.

2. Nacrt Zakona o plaćama i drugim materijalnim pravima članova organa upravljanja institucija Federacije BiH i javnih preduzeća u većinskom vlasništvu Federacije BiH

Nacrt Zakona utvrdila je Vlada Federacije.

Predstavnički dom je na 7. sjednici, održanoj 20. novembra 2007. godine, razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Ispred Vlade Federacije Nacrt Zakona obrazložio je Stipo Buljan, sekretar u Federalnom ministarstvu energije, rudarstva i industrije.

U pretresu su učestvovali: Muhamed Osmić, Elvira Abdić-Jelenović, Besim Imamović, Svetozar Pudarić, Tomo Vidović, Lidija Bradara, Emir Frašto i Alija Begović.

Predsjedavajući je predložio da se obavi pretres po ostalim tačkama, a da se izjašnjavanje obavi poslije toga ,što su delegati prihvatili.

3. Nacrt Zakona o premjeru i katastru nekretnina

Nacrt Zakona utvrdila je Vlada Federacije.

Predstavnički dom je na nastavku 9. sjednice, održane 30. januara 2008. godine, razmatrao Nacrt Zakona i Zaključkom ga prihvatio, te ga uputio na javnu raspravu.

Nacrt Zakona razmatrala su nadležna radna tijela i dostavila svoje izvještaje.

Ispred Vlade Federacije Nacrt Zakona obrazložio je Željko Obradović, direktor Federalne uprave za geodetske i imovinsko-pravne poslove.

U pretresu su učestvovali: Elvira Abdić-Jelenović, Lidija Bradara, Igor Rajner, Ljubo Zovko, Emir Frašto i Željko Obradović.

4. Nacrt Zakona o podsticajima za razvoj područja posebne zaštite u Federaciji BiH

Nacrt Zakona utvrdila je Vlada Federacije.

Predstavnički dom je na nastavku 9. sjednice, održane 30. januara 2008. godine, razmatrao Nacrt Zakona i Zaključkom ga prihvatio, te ga uputio na širu javnu raspravu.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je predstavnik Vlade Federacije.

U pretresu su učestvovali: Igor Rajner, Elvira Abdić-Jelenović, Lidija Bradara, Mislav Sučić, Besim Imamović, Svetozar Pudarić, Zoran Budimić, Josip Perić i Drago Puzigaća.

Nakon zaključenog pretresa predsjedavajući je prekinuo sjednicu i obavijestio delegate da će se nastavak održati sljedećeg dana u 10 sati.

Sjednica je prekinuta u 16 sati i 33 minute.

* * *

NASTAVAK SJEDNICE, održane 14. marta 2008. godine

Sjednica je počela u 10.40.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio prisutne.

Na osnovu evidencije Stručne službe, predsjedavajući je konstatovao da sjednici prisustvuje 41 delegat, što čini većinu, te Dom naroda može raditi i punovažno odlučivati.

Predsjedavajući je podsjetio delegate da se Dom naroda treba izjasniti o tač. 2., 3. i 4.

2. Nacrt Zakona o plaćama i drugim materijalnim pravima članova organa upravljanja institucija Federacije BiH i javnih preduzeća u većinskom vlasništvu Federacije BiH

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za i uz devet uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o plaćama i drugim materijalnim pravima članova organa upravljanja institucija Federacije BiH i javnih preduzeća u većinskom vlasništvu Federacije BiH i smatra da može poslužiti kao osnova za izradu Prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

3. Nacrt Zakona o premjeru i katastru nekretnina

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za i uz osam uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o premjeru i katastru nekretnina i smatra da može poslužiti kao osnova za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

4. Nacrt Zakona o podsticajima za razvoj područja posebne zaštite u Federaciji BiH

Salko Obhodžoš, federalni ministar prostornog uređenja, zamolio je delegate da prihvate Nacrt Zakona.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije prihvatio** Nacrt Zakona o podsticajima za razvoj područja posebne zaštite u Federaciji BiH, jer je za glasalo 18 delegata.

5. Statut Zavoda za kontrolu lijekova Federacije BiH

Statut je donio Upravni odbor Zavoda za kontrolu lijekova Federacije BiH i dostavio ga Vladi Federacije koja ga je prihvatila i dostavila Parlamentu Federacije radi davanja saglasnosti.

Predstavnički dom je na nastavku 9. sjednice, održane 20. februara 2008. godine, donio Odluku o davanju saglasnosti na Statut Zavoda za kontrolu lijekova Federacije BiH.

Statut su razmatrala nadležna radna tijela i dostavila svoje izvještaje.

Zamjenik predsjednika Odbora za boračka i invalidska pitanja, rad, zdravstvenu i socijalnu zaštitu Željko Asić pročitao je primjedbe ovog Odbora na Statut.

U raspravi su učestvovali: Drago Puzigaća, Emir Frašto, Mira Ljubjankić i Snježana Bodnaruk, pomoćnica federalnog ministra zdravstva, koja je izjavila da prihvata sljedeće primjedbe Odbora:

- u članu 5. u stavu 3. iza riječi "latiničnim" dodaju se riječi: "i ćirilničnim";

- u članu 30. u stavu 1. posljednja alineja mijenja se i glasi: "aktivno znanje jednog svjetskog jezika";

- u članu 53. u stavu 2. u prvom redu, iza riječi „sjednice“ dodaju se riječi: „redni broj sjednice“.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 39 glasova, donio Odluku o odavanju saglasnosti na Statut Zavoda za kontrolu lijekova Federacije BiH.

6. Prijedlog Odluke o izmjenama Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju BiH

Predsjedavajući je podsjetio delegate da je na početku 9. sjednice, održane 27. novembra .2007. godine, obavljena rasprava o Prijedlogu Odluke, a izjašnjenje odgođeno za nastavak sjednice.

Također je napomenuo da je Mirsad Pindžo podnio amandman na stav 2. tačke I. Odluke, koji je kasnije povukao, jer je amandman sličnog sadržaja usvojen na Predstavničkom domu, a Vlada Federacije ga je prihvatila pa je postao sastavni dio Odluke.

Naknadno je Vlada Federacije dostavila svoj amandman koji je postao sastavni dio Odluke.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije donio** Odluku o izmjenama Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju BiH, jer je za glasalo 27 delegata a 11 delegata je bilo uzdržano.

S obzirom na to da je Besim Imamaović, ispred Kluba delegata bošnjačkog naroda, izrazio sumnju u rezultate glasanja, pristupilo se poimeničnom glasanju.

Na osnovu rezultata poimeničnog glasanja koje je obavio Izmir Hadživdić, sekretar Doma naroda, predsjedavajući je konstatovao da Dom naroda Parlamenta Federacije BiH **nije donio** Odluku o izmjenama Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju BiH, jer ja za glasalo 28 delegata a 13 delegata je bilo uzdržano.

7. Izvještaj o reviziji finansijskih izvještaja Budžeta Federacije BiH za 2006. godinu sa Izvještajem Parlamentarne komisije odgovorne za reviziju

Izvještaj o reviziji finansijskih izvještaja Budžeta Federacije BiH za 2006. godinu dostavio je Ured za reviziju institucija u Federaciji BiH.

Parlamentarna komisija odgovorna za reviziju dostavila je svoj Izvještaj.

Predstavnički dom je na nastavku 9. sjednice, održane 20. februara 2008. godine, prihvatio Izvještaj o reviziji finansijskih izvještaja Budžeta

Federacije BiH za 2006. godinu sa Izvještajem Parlamentarne komisije odgovorne za reviziju, s tim da tač. 4. i 5. predloženih Zaključaka nisu prihvaćene, nego je donesen zaključak da se sagleda mogućnost kvalitetnijeg rada domova Parlamenta Federacije BiH.

Izvještaj su razmatrala nadležna radna tijela i dostavila svoje izvještaje.

Ibrahim Okanović, generalni revizor Ureda za reviziju, obrazložio je Izvještaj o reviziji finansijskih izvještaja Budžeta Federacije BiH za 2006. godinu.

Lidija Bradara, zamjenica predsjednice Parlamentarne komisije odgovorne za reviziju, obrazložila je Izvještaj Komisije i predložila da se usvoje Zaključci kako ih je usvojio Predstavnički dom.

Na osnovu rezultata glasanja, potpredsjedavajući Doma naroda Besim Imamović, koji je tada predsjedavao sjednicom, konstatovao je da je Dom naroda Parlamenta Federacije BiH jednoglasno, sa 33 glasa, usvojio Izvještaj o reviziji finansijskih izvještaja Budžeta Federacije BiH za 2006. godinu sa Zaključcima Parlamentarne komisije odgovorne za reviziju u tekstu kako ih je usvojio Predstavnički dom.

ZAKLJUČCI

1. Zadužuje se Vlada Federacije BiH da preduzme odgovarajuće mjere na osiguranju izvršenja budžeta Federacije BiH u skladu sa Zakonom o budžetima u Federaciji BiH i Zakonu o izvršavanju budžeta Federacije BiH u svim revidiranim subjektima.
2. Zadužuje se Vlada Federacije BiH da u skladu sa preporukama Ureda za reviziju institucija u Federaciji BiH preduzme sve mjere u cilju realizacije datih preporuka sa posebnim akcentom na:
 - utvrđivanje i zakonito postupanje sa unutrašnjim dugom Federacije BiH,
 - namjensko trošenje budžetskih sredstava iz prihoda na osnovu GSM licence i drugih sredstava sa posebno utvrđenom namjenom,
 - popis imovine, prava i obaveza u vezi sa reformom Ministarstva odbrane, Carinske uprave i OSA-e, kao i Federalnog ministarstva unutrašnjih poslova i Federalne uprave policije.
3. Predlaže se Uredu za reviziju institucija u Federaciji BiH da se prilikom kvalifikovanja određenih nezakonitosti pridržava revizijskih standarda, te da se suzdrži od kvalifikacija koje u sebi imaju komponentu nadzora nad poslovanjem organa Vlade, ministarstava i institucija čije finansijske izvještaje revidira (preispitivanje opravdanosti pojedinih zakona, odluka, uredbi i sl.),

kojim djelimično izlazi iz okvira profesionalnog obavljanja poslova revizije.

4. Preporučuje se Parlamentu Federacije BiH da uputi konačni izvještaj o reviziji finansijskih izvještaja Budžeta Federacije BiH za 2006. godinu nadležnim pravosudnim institucijama, inspekcijama i finansijskoj policiji radi sagledavanja osnova prekršajne ili krivične odgovornosti.
5. Zadužuje se Vlada Federacije BiH da ubrza izradu i donošenje kriterija za dodjelu budžetskih sredstava za pojedine namjene koji će omogućiti da se trošenje javnih sredstava obavlja na zakonit i transparentan način.
6. Zadužuje se Vlada Federacije BiH da se menadžmentu revidiranih budžetskih korisnika sa nepovoljnim mišljenjem Ureda za reviziju institucija u Federaciji BiH (ministri, sekretari, savjetnici, direktori uprava, pomoćnici i drugi odgovorni rukovodeći službenici) umanje plaće i naknade u budžetskoj 2008. godini u iznosu od 10%.

8. Izvještaj o radu Komisije za koncesije Federacije BiH za 2006. godinu

U skladu sa čl. 15. i 18. Zakona o koncesijama Komisija za koncesije Federacije BiH podnijela je Izvještaj o svom radu Vladi Federacije BiH.

Vlada Federacije BiH prihvatila je Izvještaj i dostavila ga Parlamentu Federacije BiH na razmatranje i usvajanje.

Predstavnički dom je na nastavku 5. sjednice, održane 03. oktobra 2007. godine, Zaključkom usvojio Izvještaj o radu Komisije za koncesije Federacije BiH za 2006. godinu.

Izvještaj su razmatrala nadležna radna tijela i dostavila svoje izvještaje.

Izvještaj o radu obrazložio je dr. Šefik Koričić, predsjednik Komisije za koncesije Federacije BiH.

U raspravi su učestvovali: Sead Čaušević, Mira Ljubijankić, Besim Imamović, Svetozar Pudarić, Alija Begović, Muhamed Osmić i Šefik Koričić nakon čega je predsjedavajući dao pauzu.

Nakon pauze, predsjedavajući je obavijestio delegate da je Kolegij Doma naroda odlučio da prekine rad sjednice za taj dan.

Sjednica je prekinuta u 13 sati i 39 minuta.

NASTAVAK 11. SJEDNICE, održane 03. aprila 2008. godine

Sjednica je počela u 10.50.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, potpredsjednicu Federacije Spomenku Mičić, premijera Nedžada Brankovića, zamjenike premijera Vjekoslava Bevandu i Gavrila Grahovca, ministre u Vladi Federacije BiH, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 45 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda i prešao na rad.

8. Izvještaj o radu Komisije za koncesije Federacije BiH za 2006. godinu

Predsjedavajući je podsjetio delegate da je rasprava o Izvještaju završena u nastavku sjednice od 14. marta 2008. godine i da je preostalo da se delegati o njemu izjasne.

Prije izjašnjavanja, predsjednica Kluba delegata srpskog naroda Mira Ljubijankić je ispred Kluba predložila zaključke koje je pročitala.

Predložene zaključke predsjedavajući je dao na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 50 glasova, usvojio sljedeće:

ZAKLJUČKE

1. Obavezuju se pravna i fizička lica da plaćaju koncesiju za korištenje svih prirodnih dobara i pružanje usluga.
2. Obavezuje se Komisija za koncesije Federacije BiH da, u roku od 30 dana, pripremi dokument o politici dodjele koncesija.
3. Obavezuju se resorna ministarstva da, u roku od 20 dana, dostave podatke o privrednim sektorima i industrijskim oblastima u Federaciji BiH.
4. Obavezuje se Komisija za koncesije Federacije BiH da do 10. maja 2008. godine obavijesti Parlament Federacije BiH o svim aktivnostima i teškoćama na koje nailazi u svome radu.

Potom se prešlo na glasanje o Izvještaju.

Sa 39 glasova za, uz jedan glas protiv i uz deset uzdržanih glasova, Dom naroda Parlamenta Federacije BiH **usvojio** je Izvještaj o radu Komisije za koncesije Federacije BiH za 2006. godinu.

9. a) **Izvještaj o poslovanju privrednih subjekata iz oblasti prometa i komunikacija za 2006. godinu**
- b) **Izvještaj o poslovanju JP Željeznice FBiH d.o.o. Sarajevo za 2006. godinu**
- c) **Rebalans Srednjoročnog plana razvoja (2007.-2009.) sa dopunom Plana za 2010. godinu**
- d) **Izvještaj o radu Upravnog, odnosno Nadzornog odbora za period od 01.01.2006. do 31.12.2006. godine**
- e) **Izvještaj o radu Odbora za reviziju za 2006. godinu**
- f) **Nekonsolidovani finansijski izvještaji i nezavisno revizorsko mišljenje za godine koje su završile 31.12.2006. i 2005. god.**

Materijale je Vlada Federacije dostavila Parlamentu Federacije na razmatranje i usvajanje.

Predstavnički dom je na nastavku 5. sjednice, održane 03. oktobra 2007. godine, Zaključkom prihvatio Izvještaj o poslovanju JP Željeznice FBiH d.o.o. Sarajevo za 2006. godinu sa svim navedenim materijalima.

Izvještaje su razmatrala nadležna radna tijela i dostavila svoje izvještaje.

Predsjedavajući je predložio da se o svim tačkama vodi zajednička rasprava, a izjašnjavanje obavi pojedinačno, što su delegati prihvatili.

U raspravi su učestvovali Svetozar Pudarić i Mislav Sučić.

Nakon toga prešlo se na pojedinačno izjašnjavanje.

- a) **Izvještaj o poslovanju privrednih subjekata iz oblasti prometa i komunikacija za 2006. godinu**

Na osnovu rezultata poimeničnog glasanja, predsjedavajući je konstatovao da je Dom naroda Parlamenta Federacije BiH, sa 30 glasova za, uz osam glasova protiv i uz 14 uzdržanih glasova, **prihvatio** Izvještaj o poslovanju privrednih subjekata iz oblasti prometa i komunikacija za 2006. godinu

- b) **Izvještaj o poslovanju JP Željeznice FBiH d.o.o. Sarajevo za 2006. godinu**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 38 glasova za, uz osam glasova protiv i uz šest uzdržanih glasova, **prihvatio** Izvještaj o poslovanju JP Željeznice FBiH d.o.o. Sarajevo za 2006. godinu.

c) Rebalans Srednjoročnog plana razvoja (2007.-2009.) sa dopunom Plana za 2010. godinu

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 42 glasa za, uz četiri glasa protiv i uz sedam uzdržanih glasova, **prihvatio** Rebalans Srednjoročnog plana razvoja (2007.-2009.) sa dopunom Plana za 2010. godinu.

d) Izvještaj o radu Upravnog, odnosno Nadzornog odbora za period od 01.01.2006. do 31.12.2006. godine

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije prihvatio** Izvještaj o radu Upravnog, odnosno Nadzornog odbora za period od 01.01.2006. do 31.12.2006. godine, jer je za glasalo 23 delegata, tri delegata su bila protiv, a 20 delegata je bilo uzdržano.

e) Izvještaj o radu Odbora za reviziju za 2006. godinu

Na osnovu rezultata glasanja, predsjedavajući je konstatovao da Dom naroda Parlamenta Federacije BiH **nije prihvatio** Izvještaj o radu Odbora za reviziju za 2006. godinu, jer je za glasalo 23 delegata, tri delegata su bila protiv, a 15 delegata je bilo uzdržano.

f) Nekonsolidovani finansijski izvještaji i nezavisno revizorsko mišljenje za godine koje su završile 31.12.2006. i 2005. god.

Na osnovu rezultata poimeničnog glasanja, predsjedavajući je konstatovao da je Dom naroda Parlamenta Federacije BiH, sa 31 glasom za, uz tri glasa protiv i uz 17 uzdržanih glasova, **prihvatio** nekonsolidovane finansijske izvještaje i nezavisno revizorsko mišljenje za godine koje su završile 31.12.2006. i 2005. godine.

10. Izvještaj o radu Nadzornog odbora Agencije za privatizaciju u Federaciji BiH za period 01.07.2006. - 30.6.2007. godine

Na osnovu člana 13. Zakona o Agenciji za privatizaciju, Nadzorni odbor Agencije za privatizaciju Federacije BiH podnio je Izvještaj o svom radu Parlamentu Federacije BiH radi razmatranja i prihvatanja.

Predstavnički dom je na nastavku 6. sjednice, održane 31. oktobra 2007. godine, prihvatio Izvještaj o radu Nadzornog odbora Agencije za privatizaciju u Federaciji BiH za period 01.07.2006. - 30.6.2007. godine i tom prilikom usvojio zaključke.

Izvještaj su razmatrala nadležna radna tijela i dostavila svoje izvještaje.

Izveštaj je obrazložio predsjednik Nadzornog odbora Agencije za privatizaciju Safedin Bajramović.

U raspravi su učestvovali Elvira Abdić-Jelenović, Tomo Vidović i Svetozar Pudarić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za, uz jedan glas protiv i uz jedan uzdržani glas, **prihvatio** Izveštaj o radu Nadzornog odbora Agencije za privatizaciju u Federaciji BiH za period 01.07.2006. - 30.6.2007. godine.

Sa 40 glasova za, Dom naroda je usvojio i sljedeće:

ZAKLJUČKE

1. Obavezuje se Vlada Federacije BiH da pripremi i dostavi Parlamentu Federacije BiH "Politiku privatizacije u Federaciji BiH", a posebno javnih preduzeća za naredni petogodišnji period, koji bi bio dobar osnov za utvrđivanje godišnjih planova privatizacije.
2. Obavezuje se Vlada Federacije BiH da inicira izmjene i dopune Zakona o Agenciji za privatizaciju i Zakona o privatizaciji preduzeća, kojima bi se:
 - preciznije odredio status i pravni položaj Agencije kao javne ustanove sa javnim ovlaštenjima,
 - osigurala dodatna ovlaštenja Agenciji u pripremi i provedbi programa privatizacije i početnih bilansa i uspostavila jača koordinacija i subordinacija u odnosu na kantonalne agencije,
 - minimizirala ovlaštenja i nadležnosti uprave i menadžmenta firmi u procesu privatizacije (sa odgovarajućim prijenosom na Agenciju za privatizaciju u Federaciji BiH), kako bi se umanjio uticaj privatnih interesa menadžera i neformalnih grupa koji iza njih stoje,
 - obavezala Vlada Federacije BiH da osigura nezavisnu preprivatizacijsku reviziju početnog bilansa stanja značajnijih preduzeća, u skladu sa godišnjim planom privatizacije,
 - Vlada Federacije BiH oslobodila operativnih odluka, nakon što odobri godišnji plan privatizacije, sa uključenim načinima i metodima privatizacije referentnih firmi.

S obzirom na dosadašnje brojne izmjene i dopune Zakona o privatizaciji preduzeća, bilo bi svrsishodno donijeti njegov prečišćeni tekst.

Prilikom pripreme za donošenje zakonskih propisa iz oblasti privatizacije uključiti sve zainteresirane subjekte i ostvariti veću koordinaciju sa Agencijom za privatizaciju u Federaciji BiH.
3. Obavezuje se Vlada Federacije BiH da hitno pripremi nacrt Zakona o restituciji.

4. Potrebno je ubrzati proceduru donošenja Zakona o kontroli privatizacije u Federaciji BiH.
5. Potrebno je u okviru rasprave o "Politici privatizacije u Federaciji BiH" zauzeti stav i jasno definirati korištenje certifikata po Zakonu o utvrđivanju i realizaciji potraživanja građana u postupku privatizacije, posebno imajući u vidu da je proces privatizacije mnogo duži nego što se u početku predviđalo, te da se u tom pogledu hitno donesu izmjene Zakona o utvrđivanju i realizaciji potraživanja građana u postupku privatizacije i produži rok važenja certifikata, kako je Federalno ministarstvo finansija, kao obrađivač Zakona, predložilo.
6. Potrebno je da Ured za reviziju institucija u Federaciji BiH ubuduće planira reviziju godišnjih finansijskih izvještaja Agencije.

11. Informacija o ukupnom javnom dugu Federacije BiH

Vlada Federacije je dostavila Informaciju o ukupnom javnom dugu Federacije BiH radi razmatranja.

Predstavnički dom je na nastavku 6. sjednice, održane 31. oktobra 2007. godine, obavio raspravu o ovoj Informaciji i na taj način se upoznao sa njom.

Informaciju su razmatrala nadležna radna tijela i dostavila svoje izvještaje.

Informaciju je obrazložio Tihomir Ćurak, pomoćnik federalnog ministra finansija.

U raspravi su učestvovali: Denis Zvizdić, Sead Čaušević, Lidija Bradara i Mislav Sučić.

Na osnovu rezultata glasanja, potpredsjedavajući Besim Imamović, koji je tada predsjedavao sjednicom, konstatovao je da je Dom naroda Parlamenta Federacije BiH, sa 43 glasa za i uz tri uzdržana glasa, **usvojio** sljedeće:

ZAKLJUČKE

1. Dom naroda Parlamenta Federacije BiH **prima na znanje** Informaciju o ukupnom javnom dugu Federacije BiH.
2. Dom naroda Parlamenta Federacije BiH traži kvalitetnije praćenje zaduženja i realizacije sredstava iz kreditnih sredstava, status nerealiziranih sredstava, te da se za svako buduće zaduženje dostavi informacija koliko ova zaduženja utiču na ukupno zaduženje Federacije BiH.

12. **Godišnji Izvještaj Visokog sudskog i tužilačkog vijeća Bosne i Hercegovine za 2006. godinu**

Visoko sudsko i tužilačko vijeće Bosne i Hercegovine je, na osnovu člana 20. Zakona o Visokom sudskom i tužilačkom vijeću Bosne i Hercegovine, dostavilo ovaj Izvještaj u svrhu informiranja.

Predstavnički dom je na nastavku 2. sjednice, održane 05. juna 2007. godine, razmatrao ovaj Izvještaj, ali se nije izjašnjavao o njemu.

Izvještaj su razmatrala nadležna radna tijela i dostavila svoje izvještaje.

S obzirom na to da sjednici nije prisustvovao predstavnik predlagača, razvila se diskusija o tome da li se Izvještaj treba razmatrati bez prisustva predstavnika predlagača. U diskusiji su učestvovali: Saša Magazinović, Lidija Bradara, sekretar Doma naroda Parlamenta Federacije BiH Izmir Hadživdić i Alija Begović.

Nakon diskusije, predsjedavajući je predložio da se ova tačka skine sa dnevnog reda ove sjednice zbog neprisustvovanja predlagača, što su delegati prihvatili.

13. **Zaključak Predstavničkog doma da se ponovi kompletna zakonom predviđena procedura imenovanja direktora Federalne uprave policije**

Predstavnički dom je na nastavku 1. sjednice, održane 15. maja 2007. godine, razmatrao Izvještaj Komisije za izbor i imenovanja Predstavničkog doma, te ga usvojio sa predloženim Zaključkom.

S obzirom na to da se postavilo pitanje ko može biti predlagač ove tačke u Domu naroda, razvila se diskusija u kojoj su učestvovali: Saša Magazinović, sekretar Doma naroda Izmir Hadživdić, Lidija Bradara, Mira Ljubijankić, Elvira Abdić- Jelenović i Ramo Isak.

Nakon diskusije, predsjedavajući je dao pauzu.

* * *

Nakon pauze, predsjedavajući je pročitao zaključak koji je predložio Kolegij Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 51 glasom za i uz jedan uzdržani glas, usvojio sljedeći:

ZAKLJUČAK

1. Dom naroda Parlamenta Federacije BiH **skida sa dnevnog reda** 11. sjednice Doma naroda Zaključak Predstavničkog doma Parlamenta Federacije BiH povodom ponavljanja imenovanja

direktora Federalne uprave policije i odlučuje da će se ovaj Zaključak razmatrati na jednoj od narednih sjednica Doma naroda.

2. Dom naroda Parlamenta Federacije BiH obavezuje Vladu Federacije BiH i Federalno ministarstvo unutrašnjih poslova da dostavi mišljenje u vezi sa Zaključkom Predstavničkog doma, te da se na sjednicu na kojoj će se odlučivati o ovom pitanju pozove predstavnik Komisije za izbor i imenovanja Predstavničkog doma koje je utvrdilo nezakonitosti prilikom izbora direktora Federalne uprave policije, na osnovu čijeg prijedloga je Predstavnički dom donio Zaključak.

* * *

Sjednica je završena u 13.10.

Transkript sa sjednice čini sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Stjepan Krešić